

平定州志

雜志

古蹟

邨墓

坊表

拾遺

第六十冊

平定州志卷十六

雜志

志之體約而該詳而有要抑有其事雖瑣而推見

所以皆有由然其義類固必有所附焉昔班固

藝文有雜家者流見王治之無不貫至于九家

說若稗官野史皆六經之支裔况一郡一邑事

實然非漫羨之比乎故統以雜志而仍殊其目所

以爲詳也

凡門四



(24591)

古蹟

邱墓

坊表

拾遺

古蹟

有古事有古蹟如韓信下趙張奉璋築承天城皆事也而其舍止經行處則為蹟用是可以考其注錯之由與其勝敗得失之所以故古蹟往往與史傳相表裏下至名人逸士某水某山抑末矣而好古之士不廢焉無他地以人著亦尚論之一也

州

平潭城

在州西北二十五里世傳為趙簡子古城遺址尚存

柏井城

在州東五十里漢韓信所築唐長慶初裴晉公駐兵承天軍分兵置守宋太祖開寶

中改為柏井寨

明嘉靖二十一年重修為柏井堡四面據河地勢高二十丈方二里許東北隅樂平

縣建倉糧草場以備客兵芻餉

上艾城

在州南三十里即漢上艾縣治後魏為石艾縣宋徙治榆關廢址猶存今為甯艾都

新城

董卓壘

在州東北九十里漢董卓為并州牧駐兵于此有唐李諱撰碑今剝落不存 延志

云漢史靈帝徵董卓為少府卓上書言所將湟中義從即秦胡兵皆諸臣言廩賜斷絕妻子餓凍皆挽臣車使不得行及帝寢疾璽書拜卓并州牧令以兵屬皇甫嵩卓復上書言西兵戀卓畜養恩乞

將之北州萬尋顯奏卓逆命狀帝以讓卓卓亦不奉詔駐兵河東何進使鮑信募召東都兵以誅宦官為言卓聞召即時就道今郡東北九十里稱卓故壘在未詳其故

獵閭邨亢仇城延志云苗生述北齊黃門侍郎顏延之家訓云吾嘗從齊王幸并州

自井陘關入上艾縣東數十里有獵閭邨後百官受馬糧在晉陽東百餘里九仇城側竝不識本是何地博求古今皆未能曉及檢字林韻集乃知獵閭是獵餘聚亢仇是獵獵亭悉屬上艾時太原王邵欲撰鄉邑記註因

此二名聞之大喜延志云通志載忻州南

新興故城在州西四十里延志云通志載忻州南

拔魏時趙將冀州牧張平降于晉史稱平據雁門太原新興上黨上郡之地蓋新興其一也張佩

芳郡志考正曰通鑑註胡三省曰新興漢魏古郡名以五代志考之與肆州即今忻州皆在樓煩郡

秀容縣宋白曰唐之嵐州古新興郡今州西四十里有新興鎮又作辛興非古新興也

長城張佩芳郡志考正曰北齊文宣帝天保六年

恒州九百餘里先是自西河總秦成築長城東至于海前後所築東西凡三千餘里率十里一戍其

要害置州鎮凡二十五所按長城歷代有之今固

關娘子關山下有長垣隨山屈曲殘堞猶存疑即

古長城也史記趙世家威侯六年中山築長城又

肅侯十七年築長城劉伯莊云此長城在漳水之

北趙南界以地理稽之正當此處然

年世久遠恐無復存固當屬之北齊

葦澤城在州東北九十里即娘子關隋

賽魚城在州西三十里唐武德八年為受州

廣陽城在州西南八十里即唐廣陽縣城今名廣

陽邨廢址猶存曾向增詩荒邨那識漢

雜志 古蹟 三

唐名廢址參差秋草生今古心
傷陵谷變廣陽郡是廣陽城

承天軍城 在州東北八十五里承天山山頂上唐建承
天軍為太原恒山之界大歷元年河東

節度使張奉璋築有胡伯成記裴晉公征河朔駐
兵于此宋太平興國四年廢承天軍為寨明嘉靖

二十年復修為承天寨 張佩芳郡志考正曰按
宋白曰承天軍太原東鄙土門路所衝也胡三省

通鑑註廣陽漢上艾縣井陘關在其東葦澤關在
其東北皆通山東之路葦澤關即娘子關也自唐

于此築承天軍遂為歷代行師要衝其路當隨桃
水而下由州境西北達于壽陽今大路自井陘故

關入必道州城在承天軍南舊志韓信下井陘伐
趙築栢井城即今大路是也與承天軍自是兩路

湧雲樓 在州署東北隅創于宋名思武樓大觀四
年平定州尉高公純更名湧雲金刺史趙

秉文有記元至元二年即其舊址改建為堂祀趙
秉文楊雲翼元好問李治名四賢堂後益祀王構

出思誠名六賢堂明洪武三年知州程宗道設主
其中成化間復進耿九疇喬毅白侃更名崇賢堂

彭時記嘉靖三年進郝夔十四年進孫
承祖二十一年知州王齊更為環翠亭

國朝康熙二十四年知州張慎重修乾隆十三年知
州王祖庚葺有記乾隆三十年重修甘肅按察使

胡季堂題復舊名元好問詩新堂縹緲接飛樓
雲錦周遭霜樹秋若道使君無妙思冠山移得近

城頭 趙秉文詩公退常臨此觀風問俗閭山川
樓外布井邑掌中看曲水清流急巔峯繞翠環休

言江上景未必勝榆關 王士正湧雲樓故址詩
湧雲樓閣上城邊猶記 尚書創建年青嶂人煙連

玉峽綠簑花雨映桃川 金元文獻誰遺老楊趙風
流果大賢更憶左司詩 律好移家曾費買山錢

大鍾樓 在下城後街關帝廟前金大德間建明天
順八年判官趙忠重修嘉靖四十一年善

人褚惠月募修
國朝乾隆五年重修

平定州志 雜志 古蹟 四

湧泉亭

在州南二里許流盃池上金大安二年刻

人董子翽

記萬曆元年知州楊梓重修十八年太

原府同知劉應文

感異夢重修朱繪詩亭子春

陰帶郭幽邃遊因愛訪

林邱靈岩雲氣常浮白古

檻泉光靜不流獨石蒼

苔頻引坐孤樽豪興未全

酬懸車合就巢由隱

高卧南山最上頭

流杯池

在州南二里湧泉亭下奔注平地為渠九

雲日樓

在州西北陽泉邨元仁宗來自

靖陽亭

注靖陽亭故關城也今廢

知樂亭

在州北八里邨秋上元歐

射圃亭

在試院西雍正四年知州李濂

老君洞

在承天山舊名保陽菴相傳老子麻姑煉

遺檢養藥爐存失舊砂

後崖石上刻韓愈吳

丹過此

六字乃使鎮州宣慰王廷奏時題名也

白雲洞

在州北五十里方山金進士

秋林寨

在州北百里四山環繞中峯突起山頂寬

行多制

匍攀援前後寨門房屋遺趾至今尚存

代遊兵

悉勒石誌之但風雨磨滅字跡難徵耳

茄石

在城西門外一里許

蟾蜍石

在城西沙坡為上城來龍脈絡靈石也最

就石取水

每著應驗郡人李友于有紀事詩片石

在城隅

怪非濛虎星精落人間蟾蜍逃月府

伏卧末

蒼然形貌古苔蘚雙肩塵沙沒兩股

木自開

生年深壘異觀靜闕青草喧時觸白雲

志

古蹟

五

吐腹蟠親地肺露綴涵膏乳海客釣鼈還相見應
摩撫手抵背膊斑拂拭誰圖譜嘉山御雲根黑水
通脈溥浴月沐金波爲霖霑桂

丹崖石 在州西測石邨上

靈龜石 在州西中上莊嶺北山岩間有石
突出形如龜下臨泉石潤則雨

龜石 在州西南冠山溝之東偏頭目畢現儼
如龜形因名爲龜石溝郡人胡仲伊記

石魚文印 在州北五十里辛庄當河之衝有石魚
二大者長十六丈高二丈小者長六丈

高一丈五尺頭西尾東遠望之如逆流而上其下
流一石如印高兩丈上方平四面巖然峯立河水

環繞相傳
謂之文印

唐槐 在城東八十里槐
樹鋪槐林寺中

漢槐 在城東南西鎮黃邨高二十餘丈周五十餘
圍有宋慶曆年石碣近數十年每遇天旱禱

雨其下多
有靈應

樂平鄉

阜落城

鄉東南七十里古阜落氏所居今基址無考

昔陽城

鄉東五十里左傳昭公十二年晉荀吳僞會齊師因假道于鮮虞遂入昔陽八月王

午滅肥

以肥子縣臯歸杜預注昔陽肥國都今樂

平沾縣

東有昔陽城七國時趙戍此按正義括

地志云

昔陽故城一名陽城在并州樂平鄉東春

秋釋地名

昔陽肥國所都也樂平城沾縣東昔陽

服姓白狄

別種也又或謂之直陽城更謬蓋本為

鼓聚也

魯昭十五年晉荀吳伐鮮虞圍鼓鼓人告

食竭力盡

而後取之

沾縣城

鄉西南三十里漢為沾縣屬上黨郡隋置

望蒼山

迥涼颺晚颺然水寒蘆荻浦秋老菊花天

泉

龍且城

鄉東五十里冶頭邨北址存

倉角城

鄉南二里一名陽濠城址存

庫城

鄉東南七十里庫邨南址微存

追城

北魏志沾縣有追城

樂平故郡

晉置隋開皇初廢

東山故縣

隋志開皇十六年析樂平縣置大業初廢入焉

狀元審

距鄉八十里楊趙水旁相傳金時楊雲翼

狀元及第秉文溘陽人大定二十五

年進士至今名楊趙河審為狀元洞

龍安寨

元王構遊民安里詩下馬龍安寨仙人五字詩白雲君去後翠巖我來時

八寶亭

城東里許有喬宇咏樂平八景詩刊石壁上道光二十五年築亭以護之有碑記

瑤池館

城西為喬少保宅按少保議禮罷歸拓地構宅於瑤池館

邱墓

劉向曰殷湯無葬處至哀帝建平中始得之于汾陰縣向號博極羣書笑獨昧此抑雖知其處未敢以為據耶舊志孟有仇猶墓壽陽有狐突趙簡子墓至平定則有夏開龍逢墓

國朝康熙年間始得之有石碣尚存論者疑焉顧以湯之聖屬于四百餘年而後得之于漢况龍逢乎果其得之豈不益遠而可貴乎設非龍逢之賢雖豐碑大家委棄不毀又何關於有無之數乎傳曰

思其人猶愛其樹用是知人之不泯于後世者蓋非偶然也

州

夏關龍逢墓 在州北三都南峪邨康熙年間居民鏹地得古碣題曰關龍逢之墓道光

四年古墳南土隴坍塌又得關氏世系碣係元泰定元年勒進士呂思誠撰南城巡檢嚴升書壽陽縣尉昌之屏篆碣前後載關氏世系譜長幼昭穆釐然不紊服官者詳其職並誌其地其末節總序云關氏顓頊之苗裔也在夏龍逢以諫死在周令尹喜以老子著及漢昭烈將左右厥辟有國士風厥從記之誠是也旁鐫呂公詩云夜宿關家峪曉行關氏墳長松成偃蓋豎石刻新文世系傳三族書丹近八分銘章歸墓側疎拙愧諸君又云石艾安平西北鄉關氏世系得真良左昭右穆彞倫叙

推本溯源德澤長宗派遠年重顯輝主裔今日

復明光無邊瑞靄松閱湧石碣應流百世芳

元魏關寶禹墓 在州北千畝坪有武定八年紀德碑云石艾人冀州刺史

唐彭國公王君廓墓 在州東立壁邨西原上按君廓叛也突厥爲野人所殺

太宗顧其功收葬 則其墓當不在此

寧儀公主墓 在州西趙家莊

宋宣毅指揮使楊素暨孫旭墓 在州北二里

金耿昉暨孫升墓 在州南廟溝邨即清惠公祖塋

遼州司侯判官呂宗禮暨裔孫漢中廉訪司僉事

允及允子元左丞恩誠墓 在州北二里

元州帥聶珪暨子大本墓 在州南二里坎有墓表李台撰

工部尚書葛僖敏公禔墓 在州東南二里北崖下

晉甯路總管劉忠誠墓 在州北一里碑猶存

瑞州路總管傅顏墓 在州東鳳居口墓道碑存

牛鐸墓 在州南白岸頭神道碑存

都統周愨墓 在州北石家莊南

明左布政使閻察墓 在州北二里

甯府長史石撰墓 其地舊志無考

刑部尚書耿清惠公九疇暨子吏部尚書裕墓 在州

東通 興坡

陝西副使白侃暨僉都御史白思明墓 在州東南二里

給事中瀟夔墓 在州東西郊邨

都御史朱方墓 在州東鳳居口

贈通判孫承祖墓 在州西黑沙嶺

晉府左長史李應奎墓 在州西平潭古城之右

府尹唐寬墓 在州西大峪邨

陝西副使甄成德墓 在州南三里

戶部侍郎楊思忠墓 在州東鳳居口

曹州知州延定之暨裔孫兵備副使論墓 在州東鳳居口

參政寶鏜墓 在州東鳳居口

大理寺卿張三謨墓 在州東南魁星樓坡上

戶部郎中葛凝秀墓 在州南廟溝

蒲城縣知縣朱忠烈公一統墓 在州東鳳居口

國朝署平定州知州李蕡墓 在州南王家坪

哈薩克台吉薩呢雅斯之子哈雜木墓 在州西薰門西

陝西按察司副使王凝墓 在州東天化塔

浙閩督標副將竇霽墓 在州北城外三岔口東

廣東提督寶瓊墓 在州東長樂橋北東北岡

贈都司福建鎮標守備楊麗墓 在州西獅子山南

建昌鎮遊擊唐為岳墓 在州西胡家莊

江西贛州府知府寶忻墓 在州東廟溝

江西泗州知州張佩芳墓 在州西陽泉邨

湖南永州府同知張宗文墓 在州東大林山

浙江衢州府知府曹玉樹墓 在州東鳳居口

陝西巡撫陳士枚墓 在州東重興坡

直隸天津府知府蔡子璧墓 在州東重興坡

樂平鄉

宋狀元魏時中墓 在鄉南北棋盤街

節度王無咎墓 在鄉西巴川子司業構耐

進士宋之剛墓 在鄉西二里

金集賢侍讀學士宋君和墓 在鄉西思樂邨按太原府志作宋君和

狀元禮部尙書楊文獻公雲翼墓 在鄉南樹條峪口子翰林院待

制恕耐

狀元賈廷揚墓 在鄉西三里

元邵知章墓 在鄉南一里子崇禮耐

集賢大學士宋超墓 在父君和墓側

晉陽總管楊銘墓 在鄉西梁莊邨

孝子胡彪墓 在郭邨

明探花焦勝墓 在鄉西南坪上

工部侍郎喬毅墓 在鄉西長壽山彭時誌銘子郎中鳳孫少卿宗祔

吏部尙書喬莊簡公宇墓 在鄉南洪水邨劉龍誌銘

參政李岱墓 在鄉南獅子山下子參議天衢祔

兵部尙書趙絳墓 在鄉東車寺邨子參政之璽祔

御史申用休墓 在鄉東民安邨重樓山下

少卿趙思誠墓 在鄉西桃花池

副使趙紆墓 在阜落北山下

澠池令趙敏墓 在阜落北坪

運使趙恒墓 在阜落東山下

寶坻令趙國鼎墓 在鍾邨濠陽城

進士陸彥墓 在鄉東東冶頭邨

解元宋俊墓 在鄉西二里

孝子張啟明墓 在鄉南棋盤邨

孝子常守墓 在鄉西二里

孝子梁民望墓 在鄉南 棋盤邨

國朝江南驛鹽道趙曰燝墓 在鄉南 棋盤邨 桃花池祖塋

給事中常居仁墓 在鄉南 棋盤邨

隰州知州李馥墓 在鄉東南 小石坡

坊表

坊之名有二漢晉皆以宮闕名唐宋以來始有以人名者自是厥後忠臣孝子順孫節婦以至科第壽考皆得請旌蓋古者表厥宅里之義以示勸也
平定所在多有其在通衢者尤爲人所指目第其題詞多自撰造往往俚俗故槩從刪而惟存其人
之名焉

州

專城坊 在十字街南

城隍廟坊 在十字街北

坊表

志

朔國福民坊 在城隍廟前

彰輝坊 在城隍廟坡

顯應王坊 在本廟前

泰山行祠坊 在馬家溝

聖母祠坊 在南塢嶺前

默贊坤元坊 在南塢嶺廟內

三義廟坊 在義井

神威遠震坊 在寺坡上

精忠貫日坊 在西郭廟前

慈雲廣應坊 在西關白衣菴

忠孝祠坊 在祠前

節烈祠坊 在祠前

先農壇坊 在本壇前

進士坊二十二

白侃 耿裕 趙文萃 白思明 孫傑

楊傑 郝天成 和鵬 郝夔 白思誠

曹雷 郝元洪 白億 朱方 唐寬

李愈 郭絃 甄成德 楊思忠 苗敏學

甄敬 白士麟 按科目有白鑑而無白億億疑是鑑之譌

舉人坊七十四

楊玘 和誠 杜茂 延昌 張劍

石瑛 馮顏 張恕 孫靖 和豫

孫侃	李琳	李璇	梁洪	申隆	張聰	靳昇	趙文萃	蔡藩
白思誠	王士英	王臣	孫傑	楊傑	和鸞	延定之	荆綸	楊清
郗夔	閻珙	白思義	劉勛	郝天成	白思明	郗珙	張九臯	史欽
夔寶	魏廷臣	王輔	張宗智	穆溥	李翔	董亮	唐盛	白侃
璘	趙嵩	楊聰	王倬	和鵬	張鐸	王繼	李琦	楊英
和承芳								

白思齊	王佐	霍淮	李時達	董大韶
郗元深	曹自重	徐崇德	李春	張廷詔
王禮之	李時中	張禹弼	王爵	米文
張承宗	張旭	白氏登科		
李氏登科	<small>按科目有馮彥而無馮顏顏疑是彥之譌</small>			

官坊三十二

父子尚書耿九疇耿裕	都御史耿九疇
吏部尚書耿裕	柱國少保太子太保吏

都尙書樂平喬宇

坊三 按前明樂平不隸州而宇坊乃立于州未詳其故

都御史朱方

坊二

僉事荊綸

副使曹雷

參議郝元洪

御史李應時

僉事白思誠

給事中郝夔

給事中李念

給事中朱縉

孫傑

御史甄成德

僉事張承宗

父子大夫李應奎李念李愈

太守和鸞

光祿寺卿樂平喬宗

僉事白金

呂安 坊名侍臣科目無

通判孫承祖

戶部員外苗榭

知州李棠

白鑑 坊名憲臺科目宦績竝無

副使延論

白期昌

三御史張樞張三謨白士麟

父子柱吏白宇白士麟 白宇見封廕

對贈坊九

李鳳 張誠 唐廷琰 甄鏞 楊榮

白思聰 寶世書 白鍾 朱鳳 按張誠白思聰白鍾
封廕均 未詳

貞節坊二十九

潘一鳴妻劉氏 甄大治妻葛氏 趙宜妻趙氏

魏一亨妻楊氏 舊志列女 作魏亨 張灝妻劉氏

白呈懿妻延氏 李璧書妻張氏 苗瑾妻劉氏

景縣遠妻葛氏 杜秉仁妻潘氏 楊錦妻劉氏

王憲武妻郝氏 王良臣妻張氏 梁鈺妻朱氏

王學上妻朱氏 李正春妻張氏 郭秀妻張氏

張元新妻霍氏 劉立誠妻杜氏 賈綬妻王氏

史廷秀妻張氏 王丕基妻楊氏 舊志列女 作王培基

盧登祚妻劉氏 黃玉亮妻丁氏 石耐妻李氏

劉文學妻曹氏 黃振基妻賀氏 朱銑妻張氏

李文標妻宋氏

貞烈坊四

樂平喬毅妾高氏 張法載妾王氏

王立經妻李氏

王興妻池氏

義民坊四

楊璟 張嵩 齊海 楊朝臣今俱廢

科名坊一

文獻名邦坊 知州吳安祖為嘉慶丁卯科鄉試中式解元李繩宗舉人王朝翰劉垂緒
楊天德趙發黃璟李印萬張觀黎耿以德白
中元副榜潘令甄方耿以敬曹鐸張汝樂建

樂平鄉

進士坊六

焦勝 喬毅 喬鳳 喬宇 趙士吉

李岱

舉人坊十九

焦勝 喬毅 喬鳳 喬宗 喬嵩

喬宇 李岱 趙鑄 王翥 光輝

焦恕 王端 張穆 張夢熊 王孟春

張自騰 張舜臣 王思賢 申用休 石鵠都

趙氏一門科第 阜落邨趙氏一門世科

科名甲晉 知縣劉之正為 累代科第立

職官坊十三

工部侍郎喬毅 兵部郎中喬鳳

光祿寺少卿喬宗 柱國少保太子太保吏

部尚書喬宇 坊六其五舊 廢其一重修 給事中趙思誠

南漳縣知縣趙士翔 兵部尚書趙縠

封贈趙紱

封贈坊二

趙文淵 趙思忠

孝子坊一

中書舍人趙士廉

貞節坊九

趙壽昌妻李氏 宋訓通妻李氏 趙廉妻常氏

岡宏中妻劉氏 馬從龍妻毛氏 喬鳳妾甯氏

李朝初妻趙氏 毛宏化妻劉氏 張克謙妻李氏

二

貞烈坊一

喬毅妾高氏

拾遺

拾遺之名始晉王嘉其為書怪誕不經而至今存而不廢至于州縣之有志其體異矣然如趙武之于藏山呂思誠之為文星或散見于他書或得之于傳聞其事其地有足相印證者與其過而棄之毋寧過而存之是之謂拾遺拾遺云者不可遺者也故附于志末

沿革

路史艾侯爵穆鼎有艾侯作艾王侏以為共誤并

之廣陽漢之上艾後漢石艾又吳有艾縣隋入建
寧有艾陵今在武寧通志

廣陽城州東南三十里古上艾縣後改石艾唐天
寶初改廣陽縣至宋徙榆關而廢 古廣陽城在

州西南今名廣陽邨通志

唐武德八年賽魚城為受州治貞觀八年州廢通志

唐建承天軍為太原恒山之界後唐莊宗會趙王
鎔于此宋太平興國時廢今古承天都娘子關在

焉通志

太平興國四年以廣陽地當衝要又先克復乃升
為平定軍 按兩漢俱有平定縣屬西河郡莽曰

陰平亭非此平定也平定宋始更名通志

昭公二十二年晉荀吳使師僞糴者負甲以息于
昔陽之門遂襲鼓滅之杜注樂平沾縣東有昔陽

城通志

寰宇記荀吳假道于鮮虞遂入昔陽鮮虞在北昔
陽在南晉恐肥為備故從北偽東南行往會齊師
乃先還假道鮮虞遂入昔陽通志

劉炫曰肥鼓竝在鉅鹿 有昔氏鉅鹿昔陽城

按水經注一卷中昔陽城兩見一在下曲陽一在

沾縣疑有二昔陽城蓋肥都沾縣鼓都下曲陽也

通志

路史昔陽本肥 肥子後遷昔陽 今平定之樂平東五十里

有昔陽故城昭公十二年晉滅之故鉅鹿境一日

夕陽開皇置昔陽于下曲陽今祁之鼓城 通志

臯落城在東南七十里卽春秋臯落氏所居漢置

縣今爲臯落邨

顧炎武曰漢書地理志鉅鹿下曲陽應邵曰晉荀

吳滅鼓今鼓聚昔陽亭是也水經注泚水東經肥

纍縣之故城南又東經昔陽城南本鼓聚十三州

志曰今其城昔陽亭是矣京相璠曰白狄之別也

下曲陽有鼓聚其說皆同史記趙世家惠文王十

六年廉頗將攻齊昔陽取之夫昔陽在鉅鹿故屬

之齊豈得越太行而有樂平乎 通志

張佩芳曰地名古今多同平定以宋太祖征河東

首下之故名然漢功臣表有平定敬侯齊受地志

西河郡下有平定晉武帝始置樂平郡然漢宣帝時有樂平侯霍山章帝名東郡之清爲樂平唐又于饒州之長樂置樂平壽陽晉始名縣而東晉又以淮南之壽春爲壽陽非詳加考核往往有以彼地之事引入此地唯孟以山形得名始自漢以來而亦未有同者增

仕宦補編

金

趙子政 忠翊校尉同知領事
州元師事 樂平人

元

閻友直 汲縣主簿
閻惟昭 冀寧路總管府判官

閻侯 奉政大夫同知防禦使
楊銘 晉陽總管以
上樂平人

明

葛學禹 歷經
白期昌 晉王府郡馬
張汴 錦衣衛千戶

白際昌 游擊
蔡又齊 把總
白雲鸞 守禦所副千戶

以上州人

趙瓚 白河口 巡檢

路鶴 黎州衛 巡檢

楊善

銘裔孫封興濟伯 世襲錦衣衛千戶

張恩

御前將軍錦衣衛千戶

以上平人

國朝

葛紆

縣丞

周光祿

蒲州 千總

張緯

黎州衛 千總

王福

邑林鎮 游擊

任藎

延平營 游擊

張宏毅

運糧 千總

郭智千

內邱 把總

任用章

國子監 算學生

以上州人

趙洪

稷山縣教諭 樂平人

宦績

耿九疇軒軌皆廉介之士操履素定天下信之天

順初首用耿為都御史軒為刑部尚書耿欲糾石

亨之罪為所排黜為江西布政使尋轉四川上知

其清正但為亨輩所嫉一日泛論人才念及九疇

非其罪焉因曰此人操行誠不易得因禮部缺人

召至京上憐其衰命為南京禮部尚書且曰遂其

優閒可也

後渠 雜志

耿文恪初舉進士任給事中時厥父清惠公為右

都御史上言父子同在要地非宜遂改翰林檢討
後謫泗州判官益勵志讀書不以寵辱介意成化

改元召還翰林 琬琰錄

耿文恪官禮部尙書時嘗語人曰吾暮自部歸必

經過三原王公之門見其老蒼頭每持秤買油念

吾自入仕未嘗買油已心竊媿 先進遺風

儒林

古今類傳呂思誠字仲實平定州人母馮氏夢一

人烏巾白襴衫紅鞋束帶趨而揖曰我文星也及

寤生思誠目有神光 異之後三爲祭酒諸生從化

將重訂注疏不果以 至正年是日卒年六十五諡

忠肅

呂思誠嘗病古注疏 太繁魏了翁刪之太簡將約

其中以成書不果有 文集若干卷兩漢通紀若干

卷文藝

隱逸

舊志載張草亭傳闕 作者名益傳宋登春逸事也

傳曰吾友李維純數 稱張草亭之奇不知其名亦

不知何許人初至平定懷肉十脰謁一學究受尙書後稍稍露伎倆人爭物色一日甄侍御子一巡按河南便道歸與共坐傲睨之已而譚詩舉杜工部頽句曰在此當罰跪良久山人曰工部跪久宜令且起侍御不懌山人曰吾善舞劔請以樂賓主人奉劔卽舞而歌赤壁賦激昂頓挫傾其座人歌至固一世之雄也而今安在哉目侍御曰吾欲殺人便揮劔砍酒奚斷其帽客皆沮喪侍御怒徑去山人亦去他日與譚時事則四方形勝及兵馬錢

穀險易盈縮之較無弗悉也醉而假寐橫一木于門趾而寢處之綠督以爲經齣齣然有時寫小書一二幅鬻諸市易銀米以自度人益不可測嘗心異焉今得苗太學錄宋登春詩乃知所稱張草亭卽其人也魏開府言山人與吳徐宗伯善老而無子有一女欲爲之裝則走吳下客宗伯家宗伯厚遇之家臣驕蹇山人視若已僕甚相厭苦雖宗伯亦冀其去一日語宗伯曰公意覺日疏諸僕陵我宗伯曰何物敢爾當鞭之百山人指其人宗伯鞭

如數示辱而已山人曰吾有女求二十金餽其口
將縱觀海若窮日月所出入無久滯此爲宗伯出
贈金受而辭去徐出祖酒數行山人曰止毋敗吾
興多留酒足矣放舟大洋呼白引滿醉而自沈臨
邑邢子愿感其事作傳賦輓詩十章徐見以爲誣
已別爲傳亦賦輓詩十章

方技

朝野僉載唐貞觀間平定州民魏全母失明卜者
王子貞曰明年三月一日有青衣從東南來療必

愈至期見一人著青衣者遂邀入內重設飲食以
相待其人曰僕不解醫但解作犁耳爲主人作之
持斧耨舍求犁轅見桑曲枝臨井上遂斫下其母
兩眼煥然見物此曲桑蓋井所致

平定之名始于
宋此亦由後而

記之
也

宋方均泊宅編古法鑿井先貯盆水數十置所鑿
之地夜視盆中有大星異衆星者必得甘泉乾隆
己丑嘉山書院東偏掘井老民張福以此進會陰
雨不果試然老民之言非無本者可謂芻蕘一得

矣

仙釋

李愈劉仙翁紀事曰嘉靖甲申先大夫以憂制家居率諸弟子讀書于平潭精舍去邨居三里許隔沙河無水夏四月適當絕糧叔西安二府白菴大人令余與兄松谿歸德府君取糧于邨先祖封君給米五斗載之以驢過沙河見一翁中身白鬚蒲笠芒鞋寬袖布袍偉然獨盤足坐干洲上余兄弟異之繫驢于荆因前爲禮翁舉手相答命侍坐焉

取手相視云不意此山邨中見此二子他日咸當金紫皆良二千石時予十五歲與兄力論三教歸一之說以相難翁笑曰汝等少年未知道之高妙也因邀具飯翁曰汝尙有尊者不能專也因別去旬日外郡中闕然說仙翁矣時大中丞充齋朱公方兄弟憲副冠山甄公成德兄弟別駕亮齋呂公寅兄弟與定州守菊徑任公大和時俱爲弟子員咸與之游桓曰朱四不如朱三甄大勝于甄二呂氏兄弟相等任亦當爲專城諸君邀之飲輒醉餘

人強之不飲也翁手紋一道貫徹中指動問人曰
有師傳此指紋乎其他休咎言必有驗後余私至
州見翁追隨曰第去後會汝于淮泗間有文水一
裁縫識翁爲劉太守也遂不見有延子者隨至平
陽私念欲歸翁曰汝歸心動矣歸去不留汝也越
數載會郡少參禪山泉元洪君曰余見大中丞陳
一石外父云劉翁偉者陝之朝邑人爲御史當差
巡按山東余以計先之翁遂陞兗州太守不久卽
故予厚加存卹歸葬余以都御史罷歸偶立大門

內見翁過之余初異不敢認次日專候見翁往來
視其無爽令家人前曰劉老爺我老爺請你說話
翁曰爲誰曰陳都堂翁曰我正要會他登堂叙別
留飯話舊不敢說兗州事止說先差一節翁曰往
事不必論因密報苑洛韓公邦奇時苑洛爲僉憲
卽馳至相坐飲論往事無遺又密報藩臬諸公紛
紛至矣次日邀飲相序翁曰我布衣不敢當上賓
左韓公曰翁繫名仙籍此爲屈致翁笑卽席因論
休咎一人先問翁曰君先問君當先轉次問者曰

君次及君當次轉有一僉事君曰問翁久不在世矣翁曰我不曾死怕君要死後皆如其言此其平定先事而山泉述外父之說諒亦非妄又數年郡中諸君相繼出身者皆中翁料乙未余中進士觀政都察院儀封浚川王老掌院事余以後進私謁翁因論仙事翁曰當今神仙惟朝邑劉偉爲是世人往往見之因載王氏慎言集中後余守鳳陽被論事多仇誣余具本奏辨差人矣因往泗州見按院吳達岩公歸次大店驛將晚見翁翛然突入余

深驚訝翁曰不相識耶余憶爲翁卽迎座相話翁曰第勿辨歸去好自在也過固鎮第速行勿留宿也一飯悵然別去贈遺止受松布一端曰予作一道服次夕過固鎮不飯卽行後果有鹽徒千百持利及幾相值余之郡遂浩然解綬歸矣淮泗相會之約此其驗乎

延志

古蹟

趙家莊壽聖寺前有甘露泉金天厯間穰全公主浴癩于泉遂焚修于寺寺有牡丹眞紫玉逍遙二

種每遇四月八日紅粉相仍人莫敢翦相傳爲仙

施

見李愈記

孝行

周丕禮素以孝聞乾隆年間隨州牧辦

皇差於五臺時值隆冬見果品中蘋果尤鮮陰念其父抱

病嘗此或可少愈遂竊一枚置諸簷間將以遺父

而是夜家人卽聞父室中有食果聲詢之父曰吾

兒寄來蘋果吾夢中食之甘美異常病亦旋愈及

差畢將歸向簷頭取果已爛不可拾矣一念之孝

感通若是古人嚼指心痛洵非虛語也

孟鼇城南鎮人賦性至孝母患噎疾醫藥無效一

日至流杯池恭太子祠求籤祝母壽終夜搖籤未

獲出卒俯伏不起黎明忽聞耳旁有聲言飼親人

肉便愈鼇歸卽割臂烹之以奉母母食之遂愈

義行

竇貴廷家甚約而慷慨好施雍正癸卯秋大饑煮

米以施人食至冬積貨銀三十餘兩將赴直省負

販夜宿回闕客舍有婦人哭於舍旁而甚哀詢

知某氏子久出不歸而父死不葬母老無養其妻
將賣其身以葬翁養姑別在目前貴廷寫伊子假
書一紙隨寄銀三十餘兩親送之家伊姑媳遂合
歡無他志次日又遇過客凍餒幾斃即解衣推囊
自子身而歸後貴廷貿易直省家業日豐子孫繩
繩長孫鎮登辛酉賢書稱旺族焉

石港字映寰祖居州北小河村於乾隆三十五年
在該村建立義學捐施石窰二孔瓦屋二間田地
十畝延師以教鄉里子弟鄉人勒碑以識其美至
今存焉

趙琛華東關鎮人恩貢鳴西之姪監生鳴東次子
家世孝友居鄉和平光緒八年秋琛華次子甫六
歲門外嬉戲被過路客車驚而壓斃琛華疾出抱
兒泣既與兒珮華商曰子已死稟車夫於官究無
益於子兄亦涕泣令車夫去而瘞之

政蹟

撫憲衛公榮光於光緒七年札諭晉省州縣種桑養
蠶州牧張公彬會紳董設立蠶桑局經營種桑租

城南菜園十六畝普種之至八九年桑秧成林約
有二十萬株署州牧沈公晉祥籌費接辦着蠶桑
局收買蠶繭雇工繅絲織綢比市賣者更佳人爭
售焉稟請 撫憲張公之洞撥留款項務期倡行
特示諭民間移栽桑秧勸勉 養蠶嗟夫舊志載種
不宜桑蠶事闕焉茲則種桑成林已徵土地之相
宜果人盡謀其功誰謂此地不宜蠶事也

撫憲張公暨州牧沈公設立清徭局經費章程併序
平定爲晉東衝繁東達燕趙西通秦蜀遠及新疆
藩部差使絡繹而地無車輛向以雇備驢贏支應
差使近年來差務實繁兼有差役小甲號夫廠夫
拉扣車牲諸弊叢生民間實苦累難堪光緒五六
年 爵撫憲曾公國荃剔弊改章西南各路有驛
州縣一滿積患惟省會陽曲一縣南路靈石一縣
東路平定州併所屬孟壽二縣差累尤甚辦理棘
手未遑定議七年經前 撫憲衛公榮光

奏明議籌辦法札諭各州縣辦理在案平定州牧亦曾設法辦理徒以役繁費重措手爲難卒無成效八年春 撫憲張公之洞

奏明差徭擾累公行致令商旅相戒爲畏途殘黎日股於苛政亟宜速畫良規早蘇民困云云因平定州併所屬盂壽二縣爲晉省東來第一驛最衝最繁特調絳州直隸州知州沈公晉祥署理州事委太原府知府馬公丕瑤會同籌辦迭經傳見紳耆詳加諮詢會 州應以禁止拉扣車牲籌款雇備支

差爲清徭第一要義並經酌擬章程暨通年應需經費若干會詳送呈 憲臺查核蒙批議定裁撤

贏櫃禁止差票別籌經費由官設局經理平定則以該州自願捐出裁省攤捐原有當規並籌發官本生息酌撥槐葦兩務釐金疊據擬議支差章程均經核定飭遵在案並示著爲定章勒石城關四達之衢及各驛驛門務使衆目共覩以圖永久奉行於州城西關設立清徭總局柏井驛設立分局計自八年七月初一日起是舉也 撫憲張公別弊

平定州志
改章真能清源而拔本州牧沈擬規籌費並見奉
公而忘私誠自來未有之善政其造福於吾州
甚大澤及於四方行旅者實無涯矣尤賴後之爲
司牧者隨時整頓使司事諸紳各宜遵照章程慎
勿因循以滋弊焉可也
奏摺札諭批示會稟
俱詳刻清徭局碑
平定州併所屬孟縣壽陽清徭通行章程

一平定併所屬之孟壽二縣差徭向不按糧攤錢亦
無里下支應此後仍應概免攤派以卹民艱又前
議設立贏櫃抽收過往車馱套錢架錢以資津貼

雇備車馱之用現奉

憲札

奏明籌款辦理所有前擬設立贏櫃章程亦毋庸議

一平屬差徭苦累以拉扣車馱積習爲最惡州境之
甘桃柏井平潭三驛孟縣之測石一驛壽陽之壽
陽太安二驛一並出示禁止拉扣丁書差役地方
小甲如敢故違查出重究

一此後支差應用車馱酌中定價設局雇備于孟縣祇
測石一驛議明無論東來西來各差凡應用車馱

駁駝者東由平定徑送壽陽西由壽陽徑送平定
惟應用毛驢差使則仍由測石驛接換差務較便
所有招雇發價等事責成該號辦理無庸設局其
平定之平潭柏井壽陽之壽陽太安四驛均設清
徭局延請紳士經管招雇支發各事宜以聯官民
上下之情以杜丁役拉扣侵剋之弊

一東來應用車贏駱駝各差由平定之柏井驛接換
送壽陽交卸再由壽陽接換送榆次縣之

王胡交
鳴謙

換送平潭驛交卸由平潭接換送直隸之井陘縣
交卸東來應用毛驢各差由柏井接換至平潭再
由平潭倒換至測石驛交卸由測石接換送壽陽
驛交卸由壽陽接換至太安驛由太安倒換至榆
次縣

王胡
鳴謙

交卸西來應用毛驢各差由壽陽之太

安驛接換至壽陽驛由壽陽倒換至測石驛交卸
由測石驛接換至平潭驛交卸由平潭驛接換至
柏井驛由柏井驛倒換至直隸之井陘縣交卸承
以爲定不准越界不准少送無論車輛駱駝馱負

毛驢均祇各送本境不准扣打過站

一車輛駱駝馱贏無論東來西來向章經過測石驛該驛每車津貼錢四百文每駝每贏各津貼錢二百文此後既不倒換議明無須津貼所有由平至壽由壽至平車馱腳價悉由平壽付訖惟毛驢一項仍由測石驛接換應由孟縣發價

一餉鞘差使例由廠夫擡送無論東來西來經過孟縣均於芹泉驛接送應仍照舊章辦理

一此次改章剔弊專以禁革拉扣車馱爲重凡各差需用擡夫緯夫燈籠夫等向章按村撥夫倒換此後應仍照舊章支差不准推諉

一過境兵差例有報銷迭經稟奉遵行有案此後仍應悉照舊章辦理其有應由鄰封協濟並票差莊驢馱送者均照章供支不准推諉惟軍裝器械必須屬用馱贏駱駝者由清徭局雇備於事竣稟署另案報銷

一平壽延紳設局應需局用辛資並雇備車牲腳價通年經費各以八千串爲率孟縣之測石驛不

設公局不換車贏過年贖價錢以一千串爲率至
縣之款議明由平定於經收坐賈釐金項下分
季撥給由該縣備具文領存案

一各差應用酒席差費鋪墊油燭水炭等項均由署
內備辦不准取給於清徭局凡各差應用車馱遵
照奉發章程供支不准徇私濫應

平定州清徭章程

一州城之平潭驛州東之柏井驛均接換車馱之所
應於州城西關設立清徭總局柏井驛設立分局

延派紳士駐局責成管理招雇支發一切事宜不
准假手胥役剋扣弊朦

一平定本境無車遇有差使應以馱贏駱駝支送以
五十里爲一站每站定價六百文由州城東送井
陘作兩站半算由柏井西送壽陽作三站算不管
回頭架窩一乘准作三頭折算如大差需用較多
須先期招雇者守候一日每頭發半價錢三百文
如本境不敷須向遠處招雇者三十頭以上准雇
手招雇夫頭每頭價盤纏飯食錢五十文

一毛驢支應日常流水差需用最多道里遠近不一未便按站定數不論送往何處每頭每里均定價三文二毫按里核發

一毛驢馱送餉鞘干繫最大每鞘每五十里定價一百文每頭祇准馱送兩鞘不准多馱以昭慎重價歸局發所有一切事宜仍責成廠夫辦理

一毛驢馱送火弁牌差須隨到隨走卽深夜雨雪不准片刻停留差使最苦若差到時排驢外出雇沿路回腳馱送由州城送測石由拍井送州城每頭

於正價外日差准再津貼錢四十文夜差八十文由拍井送井陘按里照加

一毛驢架窩一乘每五十里定價八百文由拍井送井陘按里照加

一馱羸駱駝須赴各村並遠處招雇不能徧排上號毛驢一項每年於春秋兩季凡附近城拍各村鎮共有若干頭由該局紳清查一次一律上排遇差

輪應俾免推諉

一甘桃驢向不支差其火弁牌應用毛驢就地雇送

該價由柏井分局支發

一總分兩局每局各派紳士二人每紳月給薪水錢六千文雇工四名每名月給工資錢一千五百文每局每月准支火食油燭紙張各雜用錢三十千文房租錢在外月清月款不准預支

一每月津貼東西關小甲地方錢三千文四班錢六千六百六十六文兵房錢四千三百三十四文署內司事錢四千文差門錢四千文柏井差頭錢一千五百文甘桃差頭錢一千五百文

一差使到境應用牲口多少由署內刊刻照票填明實用數目及送往某處發局驗明照數應付月底仍將各票繳署以杜濫應

一甘柏兩驛麩豆並署內運送各差次鋪墊器具等物向係按村拉驢轉送此後一律禁革悉由清徭局雇驢徑送以恤民力

一接送過站人犯凡路過各村均攤錢幫貼該犯俗名紅衣差錢此後一律禁革每犯一名由局發給驢價錢一百二十文不准攤派村民

一柏井驛號馬所需乾草麩豆向係民買民賣不由
草豆局經理凡遇客馬及過站馬應需麩豆有
地方催辦者頗多擾累此後悉由該號民賣民買
由局發價不准攤派地方

一無論大小差使應用酒席使費油燭水炭鋪墊器
具均由署內備辦不准絲毫向局取用開銷其大
差探馬飯食聽差各役飯食茶湯壺吹礮手工食
由署核明填給照票由局開支

一各差自帶長車長羸應發短價仍照舊章每套每
站發錢二百文每羸發錢二百文不得援照現定
雇價發給

一總分兩局各紳經管招雇發價不准絲毫剋扣如
雇工人等有侵扣情弊或署內丁役地方小甲人
等有拉扣等情訪查得實准該局紳稟署究辦

一總分兩局經費通年約共錢八千串除署內捐款
應按月照付外其釐卡協濟及當行生息規費等
項均隨到隨收應於每月底將實收若干支用若
干實存若干造具管收除在清摺一面榜示局門

一面呈送署內查核詳報

各憲盈餘若干不准存署不准存局公舉可靠行店具領收存不取利息年終總結實存若干提出總數若干稟明生息仍以零尾暫存行店以備次年及有閏之年不敷之用

一駐局各紳議明每年於七月分由城鄉各紳公舉稟商本州給諭更換設有虧挪經費誤公徇私等弊惟公舉人是問再局紳果能實心任事經理得宜准由該紳等公舉稟請接充不限年月倘查有

弊竇或不恰衆情亦准隨時更換

一駐局四紳之外因事經創辦時有商酌變通等情議明另延編司勦理紳士二人不給薪水年終酌酬勞敬每人不得過二十金以資往來車轎之用

平定州差徭經費款目

一奉發官本銀五千兩常年一分生息共息銀五百兩

一春冬兩季奉撥章澤關釐卡協濟銀六百兩錢九百千文

一夏秋兩季奉撥槐樹鋪釐卡協濟銀六百兩錢九百千文

一州署捐助裁免攤捐銀九百兩

此款原稟係九百五十兩九錢四分內榮河平魯缺荒二款共銀四十三兩一分七釐未准裁免仍應提還以九百兩整數永遠捐助以歸畫一

一州署捐助州樂各當通年規費銀八百兩

此款原稟係八百八十四兩內有門包壽禮等八十四兩似涉煩瑣是以提還以八百兩整數永遠捐助以歸畫一

以上共銀二千四百兩錢一千八百串


一請留州樂坐賈釐金通年約五百兩議明無論收數盈絀作錢一千串協濟孟縣按季飭發

24591

24576-91

1. 請愛護書籍。
2. 借期已滿請即归还。
3. 請勿轉借與他人。
4. 請勿在書上批注、圈點、污損及摺迭。
5. 如需續借希來辦理手續。

山西省圖書館



[光緒]平定州志十六卷首一卷

(清)賴昌期張彬等纂修

清光緒八年刻本

十六冊

原件收藏

山西省圖書館

原件書號

24576-91

原件狀況

原件有部分有污迹

原件有部分字迹模糊

原件个别地方破损

書共攝制 2 卷

①首一卷卷一至卷八
②卷九至卷十六

所有 不准復印

本部书完

本片卷含： 卷九至卷十六